

影印
文淵閣

四庫全書

印 影

文淵閣四庫全書

第一二六三冊

北京出版集團公司
北京出版社

本册目次

浮山憑憑	息園	息園	緩園
湘中几集	存稿	存稿	慟稿
華玉集	山齋文集	憑憑集	憑憑集
華玉集	山齋文集	憑憑集	憑憑集

明 鄧岳撰
鄧炫編……………一

明 顧璘撰……………一三五

欽定四庫全書

集部

山齋文集卷一至四

詳校官監察御史臣龔驥文

中書臣劉源溥覆勘

總校官知縣臣楊懋珩

校對官中書臣葉蘭

謄錄監生臣馮蓋

欽定四庫全書

集部六

山齋文集

別集類五明

提要

臣等謹案山齋文集二十四卷明鄭岳撰岳字汝華號山齋莆田人弘治癸丑進士官至兵部右侍郎岳素著風節官江西按察使時首折宸濠逆謀反為所誣構逮問及官兵部復以議興獻祔廟忤旨力請致仕後議禮諸臣

欽定四庫全書

山齋文集提要

皆蒙追恤賜謚而獨不及岳蓋孤介寡援其天性然也柯維騏續莆陽志稱其所作詩文俱暢達蘊藉而謝山子亦稱其詩深於諷諭之體所著有蒙難錄西行紀南還錄山齋吟稿漫稿淨稿續稿奏議因雕本焚燬所存不過數種是集乃萬厯間其曾孫炫蒐輯重鈐詩七卷文共十七卷謂較舊集十未能存二三今觀所作當信陽北地初起之時文格未

變猶恪守茶陵之矩度雖條暢有餘奇麗不足而質實平易不染塗飾鈎棘之偽體固宜以其人存之者矣乾隆四十五年二月恭校上

總纂官^臣紀昀^臣陸錫熊^臣孫士毅

總校官^臣陸費墀

欽定四庫全書

山齋文集
提要

二

欽定四庫全書

山齋文集卷一

五言古詩

明 鄭岳 撰

立春和林見素韻

人生百歲期在耳十踰四春陽布德新花鳥各自媚
鬢髮日以種歡悰與昔異寢食淡無營網緼護元氣朝雨
洗春痕南山已堆翠幽勝愜素期糾紛傷往事所貴一
身存儻來物皆寄破屋城南隈百需無一備雲莊結比
鄰時往佳章遺諷詠激微衷懷哉邈高致

秋齋為周彥通侍御題

午夢忽驚覺呼童開竹扉借問客為誰青驄束金羈手
持卷一握錯落瓊琚詞展玩重太息遐心將在茲二氣
互翕張真宰執玄機物盛不可過斂舒各以時露凝天
宇淨樹變郊原稀芝蘭抱孤芳鷹隼奮高飛齋居感深
念流光倏如馳及時當自勵毋令華髮滋

欽定四庫全書

山齋文集
卷一

一

后峰篇贈黃伯固正郎

九峰何崔嵬屹然鎮坤維泉石挹明秀草木含華滋最
後有奇峰退讓乃卑卑謙光豈容掩靈淑良在茲高文
合典則懿行無瑕疪歷宦十餘年既罷將安歸悠然念
出處戒途仍迂迴經營四方志况當強壯時去去濟時
艱終豈好爵縻山中精舍在歲晏期相依

送何子元少宰改任南都

夏秋多霪雨沈陰翳晨光積潦斷衢塗欲濟苦無梁送

欽定四庫全書

山齋文集
卷一

二

子出城闔策馬登前岡回颺激流雲顚氣變清商憑高
一舒睇天宇何茫茫感茲物候異鬱鬱情內傷古稱楚
多才弱冠已擅場博學富文藻節操誠慨慷茲行豈徒
然抗言繫綱常南望鍾山遙白雲懷帝鄉風露日夕清
蘭桂發幽芳與子結綢繆望望不得將平生契分深白
首相激昂浮榮難久恃萬世一何長願言保終節青簡
諒毋忘

幽居公署書懷

處憂患能以義命
自安詩見之矣

寧庶人宸濠久蓄異志予由臬轉藩裁抑逆

萌濠不能堪陰嗾同寮橫加誣訐威賂上下
文致其辜逮繫踰年始得罷歸憂患中嘗作
蒙難錄茲摘其槩書之

咄咄日書空禍階慨伊始蟻穴昔何微潰川浩無涘數
至諒難違修身以順俟明夷古所悲演易在羗里厲貞
乃終吉齋心悟玄理

其二

欽定四庫全書

山齋文集
卷一

三

谿壑絕險巖千仞猶可窮人心如其面談笑伏兵戎田
灌平生交杯酒不相容魏其力解紛乃并遭禍凶往事
昧明訓邈哉廉蔭蹤鵲蚌久相持漁人並收功

其三

平生相傾慕會合意何敦相期振頽靡撫心憫元元如
何自猜忌枝葉傷同根川洛構黨禍善類鮮安存王導
仇伯仁千載抱煩冤古來同嘆息棄置復何言

其四

鴉鳥棲前楹啞啞動哀鳴須臾雙鵲呼下上如有營既
憂還復喜徒亂羈旅情毀譽隨愛憎吉凶竟難憑賸賸
絕聰聰冥心游太清

美女篇

此篇以美女自況讀之悲惋

美女出瓊閨姿容皎白皙婉孌當盛時丹鉛去華飾豈
徒誇靡曼禮度謹修飭少從柯斧言與君結良匹纖手
敢自愛辛勤事家室烹飪奉賓祭機杼務組織雞鳴起
盥漱昏暮未遑息始時君家貧數歲頗儲積將諧百歲

欽定四庫全書

山齋文集
卷一

四

歡一朝遭譴斥萋斐成貝錦青蠅間白璧貞性豈善姪
蛾眉生妬嫉懊惱難自明撫床時掩泣族里為咨嗟姑
嫜誰顧惜娉婷將奚歸皓首不更適祝髮習道經焚香
誦晨夕天心如有感庶幾終察識

遊俠篇

此篇意以宸濠比吳王濞其事果驗亦詩識也

戰國貴公子孟嘗最稱賢食祿擬萬乘養士滿三千雞
鳴與狗盜生死同周旋信誓重然諾服御關芳妍一言
偶合意不惜千金捐後宮出綺麗歌舞醉華筵晝夜務

經營力折王公權殺人報睚眦道路不敢言頽風一以
開延蔓彌八埏漢網方疎濶吞舟漏重淵吳淠招死士
密置清澗間豈知真將軍輕車出藍田逆節竟鎖斧明
鑒垂簡編

復回省城待報幽中書懷

重門晝深局蔓草沒行跡舊侶何寥寥危途轉相逼計
功獲深酬踰躑圖遠適詘辱甘予愚誰為世道惜

其二

欽定四庫全書

山齋文集
卷一

五

一氣播洪鈞萬物各有適予生亦豈徒知命奚感感軒
冕儻來物去去無復惜抗志本不高末路嗟跼蹐從今
謝樊籠遙空振六翮

其三

社櫟辭剪伐蘭膏坐銷鎔巧拙各有宜所貴保初終緬
懷見素翁進退何從容盛名難久居林壑寄幽蹤幸茲
返初服雲岑老相從

林竹田司空自予蒙難屢為救解茲過洪都挈

予妻子同歸感而有作

司空並鄉國弱歲挹光儀意義重相許肝膽不復疑名
位日以崇詎肯忘賤微臨難力相拯千里歸厚遺縈紆
枉川陸為我解縈羈舉家脫虎口相將近柴扉深衷懷
感激不覺涕交頤時情轉盼異古道誰復持和奚免叔
向豈為平生私高情激千古流俗安足希

九江阻風泊舟有感

白浪起層層峰頭雲正黑迴舟入小港聊茲一憩息路

欽定四庫全書

山南文集
卷一

六

梗難為期滄波浩無極坐觀北來船帆掛千仞直篙工
意閒暇津津動顏色緬懷造化心施予難為力往船風
宜南來船風宜北南北本異途彼此那俱得物理每循
環明朝未可測隱几澹無營冥心悟義易

過水口

建溪昔稱險橫流多怪石參錯列牛馬廉利倖劍戟篙
工慣習水禱賽資神力前後互招呼分寸恐或失激盪
轟雷鳴沫流飛雪白諦觀毛髮豎一命試輕擲逶迤過

水口灘盡溪流碧棹歌發清響貫酒娛西夕患至慮煩
紆險過事愉懌物理固其然臨流長太息

送吳伯貞還漳

青陽布時序游子戒晨裝崎嶇越鄉郡迢遞登我堂感
舊一揮涕相視鬢逾蒼念昔縈微祿相遇天一方風濤
起奄忽章水鯨鯢揚剝地誅晁錯繫獄悲鄒陽戢羽還
故棲仰視天茫茫昏靈一朝解日月回精光天人盡紓
憤豈伊私願償子獨秉高義意氣相激昂涓辰集朋舊

欽定四庫全書

山南文集
卷一

七

壺榼宴山莊人生適意耳此會安可常冥鴻謝矰繳去
去天路長

題頤晦亭

結屋城東隅縈紆遞幽境亭榭鬱以深竹石秀而整好
鳥鳴春烟芳池湛秋影爐熏對書榻端坐思欲瞑虛室
晝生白真機時悟領渾涵謝圭角文字何雋永匡時豈
無術素尚事幽屏際世幸黃唐獨茲慕箕頴

上清宮修造

江國歲仍饑處處盜尤劇閭里鮮聊生况茲興鉅役土木極工麗輝煌耀金碧各務出新智規恢過疇昔內帑不惜費列郡捐餘積畚鍤役萬人筋力誰顧惜所祀何代鬼杳幻難具識漢季有張陵五斗米中賊干戈幸通誅遺種復滋息竊據山水勝蔓延徧區域崇奉日轉加勢與闕里逼大道久晦冥燭火何時熄

嘉靖二年六月十九日予使事西行夕宿良鄉

晨赴涿州即事

欽定四庫全書

山齋文集
卷一

商飈應時序溽暑倏云徂微涼襲衣襟病骨覺已蘇宵短不遑寐晨興赴前途前途紛交馳縣道直皇都民勞困征徭蔽體無完裾所幸秋稼豐維泰復維稔淫雨不為災旬月當得鋪

過函關

建都據形勝自昔稱關中我今歷峭函險絕凌蒼穹一夫當關守百夫不敢攻秦皇藉餘烈諸侯俱景從漢高既滅項高拱洛陽宮婁敬脫輓輅一語回天衷即日幸

車駕定鼎垂無窮決機振長策識度誠豪雄

發陝城

長安古都會弭節暫盤桓羣公日惠顧樽俎接清歡如何別此去遙遙赴臯蘭維時秋已分日夕風露寒清霜肅原野草樹漸摧殘玄蟬噤其聲蟋蟀鳴夜闌客子感時序悽然懷永嘆迴望雙闕遙迢遞層漢間清光勞夢寐行役何時還

馬嵬之南數百武為逆璫劉瑾故宅噫楊妃以

欽定四庫全書

山齋文集
卷一

此地沒而瑾復以此地生豈事有適然歟均足

示戒

明皇西幸蜀嵬坡駐鑾旂六軍不肯發宛轉縊蛾眉悠悠百世下撫跡空嗟洛妖氛豈未散閭閻豎復生茲懷奸竊大柄國勢欲潛移事頗天寶類幸爾亟誅夷羣奸起嗣虐四海成瘡痍亂階鑒婦寺永垂萬世規

秣陵歲暮

閒居近十載風土樂餘生兒曹驩節至歲事多經營如

何從遠役遙遙赴神京旅遊已厭歷況欲競浮榮自昔
際遇難幸茲世運亨草澤訪耆彥拔茅以彙征負暄安
足獻食芹豈忘情冲抱徒區區蹇拙竟奚成

潞河舟中

潞水何悠悠日夜東南流東流幾時還到海始云休物
性固有然人心亦奚求所求諒非遠庶以道自修憶昔
惟橫灾十載卧林丘自分亦已矣雲水結綢繆聖皇訪
遺耇樗散謬見收省寺屢遷秩愧莫展良猷兢兢循素
欽定四庫全書
山齋文集
卷一
十
節庶以效前修姜斐一朝起竟莫詰其由輿論皦日星
拊躬本無尤心跡幸已白名位馬足留讒言變白黑世
道良足憂

謁闕里途中即事十一韻

遲遲待明發肅肅戒行軒郊原俯阡陌道途廣且修朝
雲結層陰雨澤尚滯流鬱蒸氣未解風露何當秋役夫
苦流汗吾行豈漫遊壯齒走四方老至行且休睠茲毓
聖鄉欲詣竟無繇於茲不修謁終身抱悔尤迢遞展慙

懃闕里暫綢繆秋陽方皞皞緬邈仰風猷倦息杏壇陰
渴飲泗水流

塞下曲四首

邊郡良家子結髮即從軍彎弓射邊月揮戈開塞雲黃
河十月冰敵騎日成羣突來犯我壘決戰死生分冒危
殺首賊不得敘階勲
邊人慣騎射奄忽若星馳朔風吹馬來四面衝我師我
師莫輕動持滿以待之佯北勿輕追恐為敵所欺

欽定四庫全書

山齋文集
卷一

十一

漢皇開五郡本為制匈奴士馬日南侵發卒守邊隅主
帥多刻剝軍吏恣徵需一食尚不飽安能執戈艾儻無
內顧憂安敢愛微軀

豪酋相讐殺奔潰入西番西番不能制被驅若孤豚番
夷勢漸合種類日益繁長驅向洮岷千里沙塵昏我兵
既寡弱剪滅何敢論

隗器

新都滅炎精四海方悲嘆隗器起秦隴借名圖復漢豪

傑多景從生民懼塗炭南陽帝業新羣雄俱解散西州
獨阻險偃蹇成僭叛么麼不自量神器豈容濫伏波始
識真東廡白憤岸聚米導先驅倉黃西域竄何不效竇
融歸朝膺顯宦

度關山

昔聞關山險今作關山行登危復盤曲十步始一平秋
潦混泥途崖石亂縱橫仄徑俯頽坡僕馬度凌兢薄暮
至絕巔天地劃開明飄風吹暝色凜然寒氣凝慨念茲
川嶽設險輔秦京時危資竊據歷代紛戰爭昌時久混
一六合且休兵憑高一舒嘯緬懷千載情

內丘憫旱

內丘數十里磽确環高原十旬不得雨四野沙塵昏泰
粟焦且死艱食憫元元官柳摧為薪煮葉充晨飧老稚
出趨食破屋棄荒村公庾素乏儲富室徒勸分鮒魚得
斗水猶幸性命存安得沛甘澤萬物回枯根

蘭州以山名北枕黃河城之西有唐帽山尤秀

欽定四庫全書

山齋文集
卷一

十二

特彭司馬幸庵先塋在馬地靈人傑堪與家之
說豈盡誣邪

南望臯蘭山北枕大河流山勢相蜿蜒河流去不休華
夷界南北關陝扼襟喉中有唐帽山高壠鬱松楸靈氣
鍾之人元老克壯猶邊事久經畧樽俎運深籌

真定會劉南坦中丞以詩卷託和

侵晨即長途亭午臨古縣赤日炙肌體黃埃汚顏面神
昏思伏枕臂弱強持扇密柳方連陰涼颼時一薦披襟
為輸寫暫憩忘饑倦鄉思亂飛雲宦情牽弱線朝廷重
綱紀邊鄙懼禍變行役敢辭勞縱觀殊未厭中原多古
蹟垂老幸一見西行抵關塞閱歷行當遍

舟中阻風

潞河晨解纜即欲抵河西詎為風所阻竟日蟠淺泥暑
雨久浸淫四望長蒿藜荒村破茅屋日午不聞雞泊舟
此非處日晚風更淒憂心倏如愒孰能究端倪天道易
反覆人事常不齊

欽定四庫全書

山齋文集
卷一

十三

覺衰

今年頓覺衰不謂病忽至早春解散表酸痛傷左臂伸縮自弗堪拘攣重為累血少失養筋風冷潛入骹藥餌殊罔功針灸亦弗利白髮倩人梳衣帶不自締况能彎駢弓何由拔赤幟歲月去鮮歡世事老無味衡門歸養疴稽首深拜賜

梅峰小隱奉招會友

丁亥之冬林翁孚可汝儀時獻吳翁約中結

欽定四庫全書

山齋文集

十四

為社會予僭為首倡會于梅峰其次年宋翁

良翰林翁以永皆預焉

香山與洛濱結社獨名世齒德相推致名位宣暇計標望重一時文采照來裔吾儕跡世途投老脫羈繫丘園多暇日高蹤良足繼俯仰愧前修欲舉旋復替友臬亦何為超忽遠行詣人事嘆多忤天機竊難契及時且為歡荏苒歲將逝籬菊寒始花幽香雜蘭桂眷茲舉一觴梅峰掃荒翳真率循前規山堂登瑣細詰朝幸早臨焚

香侯興隸

秋日偕社友遊溪聲閣

凌晨出南郭悠悠衢路長褰幃臨迥野迴飈遞微涼蒸鬱漸以舒顥氣應清商農家收稿秸禾稼已登場幸茲歲頗熟閭閻得小康凝烟翳林莽鶴雀相翔翔古來賢達士墟墓列道傍感茲起遐念人生安可常涓辰集儔侶迤邐越林岡梵宇隱寥廓溪聲瀉琳琅山厨登野藪石鼎炷篆香談諧淹竟日薄晚雨冥濛老至惜頽景駒隙度流光及時恣遊賞毋徒傷慨慷

欽定四庫全書

山齋文集

十五

林都憲翠庭邀遊南山登高隴歷諸名勝有作

城郭風塵滿籃輿遠追尋崎嶇歷田埂轉望鳳山岑松柏翳原野中有大夫林斂衽肅下拜廡退昔所欽山川莽回護佳氣鬱以深東岡列僧舍樓閣散清陰推窓延遠景吸茗滌煩襟拜亭倍虛敞深樹響鳴琴時平偃兵革禾黍復森森吾儕幸無事及茲盍朋簪清歡雜嘲笑美酒時共斟歲月豈久待駉驥已駉駉疇能究緣業且

詣塵外心

和林汝儀招飲溪閣韻

旭日散林霏澄波銜山影離城纔幾許已覺非人境侵
階雨氣潤攪樹風力猛采采園中蔬盈盈水中行更覓
前溪魚垂竿移舴艋占年慰夙期刺水秧千頃几杖松
壇幽雞犬柴門靜幸逢素心人高談白日永

黃仲陽東洲別業

北郭亘芳阡延矚鬱幽邃木蘭及使華二水於茲會墟

欽定四庫全書

山齋文集
卷一

十六

曲藹人烟平疇間溝澮澄潭集漁網沃土供王稅結構
際交流儼與羣峰對閒庭芳草積隙牖蛛絲綴慮澹物
俱忘知寡我為貴茲勝君先得吾駕將馬稅硯硯多棄
壤所求亦易遂衡茅成小築徐徐理荒穢來往話桑麻
聊茲閱年歲

鶴峰為蔡君題

考亭昔為吏遺愛流清漳世遠道益孤墜緒何茫茫蔡
君負英資博學知向方少懷四方志預以試一鄉道義

素所敦慕古心如狂龍池卜新居清淑氣收藏維東有
鶴峰巖葉臨吾堂朝夕與之對端冕肅以莊山高猶可
梯且欲凌其岡復翁有遺矩千載何能忘

題黃孝女刲股愈疾卷

儒門白哲女婉孌髮垂眉念父遠行役獨與母相依母
病困牀褥家貧莫致醫嘗聞昔人言股肉乃良劑顧念
此微軀本是母所遺一死尚可捐何惜方寸肌膚刀試
割取肉斷血淋漓一念格彼蒼神物陰護持母疾亦良
已族里驚且悲末俗好奇詭昌黎深致譏此女出貞性
於世無所希親疾不嘗藥愧死世間兒

楊烈婦

國子助教楊
孟洪子婦

白哲名家女婉婉嫺壺儀二十嫁君家與君相唱隨君
志在青雲偃蹇未得施一朝齋恨歿棄妾忽若遺薄命
喪所天何用此生為九原會相從瞑目甘如飴尊嫜相
慰籍豈不念恩私歲月方悠悠世路亦多歧一死吾事
畢此心良不欺吁嗟烈婦操千載名永垂

欽定四庫全書

山齋文集
卷一

十七

湯陰美里文王廟

商辛肆淫虐諸侯多就誅西周秉臣節亦乃遭囚拘憂
思鬱以深默焉悟玄虛義畫闡幽秘至理諒無餘天地
豈不寬臣跡不敢踰日月豈不明君怒或可舒進女事
解脫遷史何其誣

淇縣有殷三仁祠將至衛輝有殷太師比干墓
廟

秋黍何離離驅馬登殷墟孟門與太行左右相縈紆狡

欽定四庫全書

山肅文集
卷一

六

童不我好萬乘為獨夫圖任惟奸回親賢反見疎矢心
各自靖揆道豈云殊埋骨邈千年廟貌猶古初孔聖贊
一詞永與天壤俱

安肅南出有劉伶墓碑

鹿車一壺酒荷鋤以自隨云死即為埋曠達不可羈如
何此虛曲有塚高縈縈刻石紀道旁無乃好事為沈酣
棄禮法車服焉得維遭危故有託舉世人莫窺苦節多
湮沒怪爾名獨垂

過楊伯起墓

自知誠不易知人良獨難薦賢本為公私念安得干暮
夜懷金來相對多醜顏傷哉市道交古意何時還幽明
寧可欺此心炳如丹千載誦遺言清風墓道寒

題黃時簡臺旌孝廉卷

崇仁除目下朝野咸稱難澆俗相糾結積蠹穴其間自
昔官於斯鮮能保終完君少出宦門吏治識其端曰茲
機在我民性豈終頑冰蘖凜自持晝夜思民艱政平訟

欽定四庫全書

山肅文集
卷一

九

亦理田里方相安聞君忽遭喪相顧盡悲酸知君行橐
貧相與助清寒君誼一不受徒跣奔計還觀風賢柱史
聞之亦永嘆廉孝苟不彰何以勵庶官千里遙致奠九
原慰親歡茲舉誠異典輿論永不刊士習日趨下砥柱
迴狂瀾願君益修飭白首如紅顏

題教授黃公悅偕弟公本鳳山遐思卷是其先
員外叅藩墓

翠偉鳳凰山上有千年柏誰家卜佳城眠牛雙勝跡有

美黃石公於此藏其魄伊人邈何之奕世瞻載德祥鳥止其隅啼猿朝復夕悲哉二子心感焉姑與陟

大司空林公歸榮

四序有代謝卷舒惟其時達人戒止足寵祿豈足縻結髮事明君誓竭股肱為服官歷中外積譽日以馳撫摩育羣生斯刈平諸夷文武時並用嶺海恬以熙宸衷眷勞勩平土陟攸司累章不得謝卧家復懇辭璽書重褒慰庶退乃其宜輿夫并月俸優老恩復滋桑榆延餘暉

欽定四庫全書

山齋文集
卷一

三

山水發幽姿鋤荒步層曲抱杖臨清池泉山諸老翁還

往良無期衣纓傾洛社風流將在茲

山齋文集卷一

欽定四庫全書

山齋文集卷二

明 鄭岳 撰

七言古詩

畫馬行

房星耿耿明碧落神駿墜地走沙漠天閑秣飼列奚官逆氣俛就青絲絡古來神駿豈易畜遺貌至今動人目碑兀爭看骨格奇人間萬馬徒多肉汗血染成五色紋

欽定四庫全書

山齋文集
卷二

一

碧蹄高踏秋空雲蹙蹙嘶鳴神彩溢此圖疑出曹將軍渥洼異產今寂寞世無伯樂何由識但收遺骨破千金不用按圖遠相索

題菜

東風一夜吹霖霖園丁揮鋤土膏沃嘉蔬百種葉抽齊甕牖寒窺一畦綠朝來擷芣小鰲鳴山館無敵聊餉客青作寒菹玉糝羹呼酒高歌還鼓腹貴游之子飫羶葷惜口辭舌咽不得豈知口腹終累人一飯萬錢嗟未足

烹熬珍異傷胃腸山中此味苦無毒君不見志士從來
甘淡泊人間萬事由此作

壬戌九月十八日白湖鎮遇風舟危甚賦此紀

事時承安南都公事
就送老母還莆

陽邏下接白湖鎮十里舟行惟一瞬狂飈奄忽自西來
波浪簸空天地震我舟蕩漾載浮沈須臾柁折難復進
百尺巨桅忽中斷舟人惶擾爭奔遁抱扶老母附岸登
雨注泥深風益勁回頭試盼左右舟漂沒中流魚腹殉

欽定四庫全書

山南文集
卷二

白湖巡官忽馳至肩輿羸馬聊借乘前村茅屋漁父家
掃地焚香候門徑問閭老稚訝官至奔走避拜重相慶
細燒楸枰燎衣中炊黍蒸藜頗充饒雨聲浙瀝洒茅簷
目睫不交對餘燼大塊噫氣豈適然兀坐冥搜毛骨振
晏起科頭尚微咎况乃吾生事多囂操存黯昧鬼先窺
舉錯乖張人或病攬衣晨起當空拜悔悟從今當益慎
春秋紀異不紀祥微示古今垂大訓

玉泉院對華峰有懷見素大司寇

華峰三面開芙蓉天然秀色浮空中我來坐玩日當午
膚雲忽合雨濛濛南峰隱霧不可見東西峙立鬱蔥蒨
懸巖瀑溜垂千條流出亂石如素練結亭據石出林端
極目烟雲渺秦甸雲莊素老性好奇惜未到此一觀之
蒼厓千仞意俱往飄飄拄杖凌空飛象外烟霞諧笑語
風前咳嗽成珠璣生平風格狎林藪垂老跼蹐留京師
宿望由來繫朝野屢疏還山未有期使還相見一撫掌
請翁和我華山詩

欽定四庫全書

山南文集
卷二

暮春邀社友遊東山

老至光陰同轉轂今日難將明日卜改歲幾何忽暮春
一夜狂風花漸落東山樵舍巖竇幽十里青山斜帶郭
蒼松偃蹇石峻嶒際海東南盡一目杖屨乘閒試共登
坐聽鳥聲歌伐木蔬盤草草亦易辦糟床夜注酒初漉
家有肥鷄不敢宰巨觥滿引罰頗酷

東巖禱雨題林以永寒谷山水障子

松壇禱雨東巖宿日餐蔬笋斷梁肉我心憚暑慘不舒

獨據蒼崖陰林木寒翁知我厭氛埃為索丹青貽巨幅
披圖細玩思杳然偃蹇雙松翳雲壑中有一叟頎而長
琴書瀟灑從二僕蘄州疏簟疊平蕪短檻高雲聊寓目
綸巾羽扇風飄飄瘦骨清容肖寒谷寒翁寒翁風節奇
結茝紉蘭好奇服歷官中外四十年拂袖歸來書幾簾
豐年妻子尚苦饑况茲亢旱田盡曝稻梁一飽不自謀
猶為蒼生淚盈掬古來賢達類如此杜老秋風賦茅屋
吾社安可無是翁東野雲龍每相逐

欽定四庫全書

山齋文集
卷二

四

東湖書院為吳亞卿獻臣題

大雲山中泉一注東湖先生讀書處先生胸次迥出塵
山中草木皆真趣讀書豈徒事鉛槧匡時事業於茲具
試出緒餘售於人要使蒼生盡陶鑄平生苦節甘若飴
妻子不免於寒饑遇事直前無顧忌終遭坎坷蹈危機
達生委命寧自悔萬里生還天所遺山中茅屋依然在
洞雲江月與心期湖田荒穢方料理詔書南下君復起
百年此道亦何心乘流則行坎則止

和吳約中憲副招飲韻

蚤年仕版濫登名世路艱虞頗獵涉倦遊歸卧故山廬
晝閒殘書時一挾韶光冉冉遞相催坐見春花秋墜葉
近來右臂痛莫堪厚擁綈袍施曲袷故人結社在比鄰
匝月清容纔一接小齋風景自撩人露酒開樽紅映頰
慙慙滿酌泛落英莫遣香風報遊蝶

會盟臺

即秦趙澠池會處

嬴秦日肆虎狼威約趙西來會澠池相如登壇奮怒髮
欽定四庫全書

山齋文集
卷二

五

呵叱秦王如豎兒一時詐力相傾軋睦鄰修好非所宜
夾谷之會何毒蛇汶陽侵田卒見歸長平禍胎從此結
區區擊缶亦徒為會盟有臺今寂寞夕陽蔓草封殘碑

秋水嘆

黃河橫溢縣成渠人家半在水中居水邊漁父持空網
吁嗟無稻復無魚隣居相望隔河汜借貸無從饑欲死
樓船伐鼓晨夜過怒向縣官索夫米

南湖喬木圖詩